



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1729. usque ad annum 1731

Fleury, Claude

August. Vind. [u.a.], 1785

VD18 13322648

§. 18. Varium Judicium de pratensis hisce prodigiis.

[urn:nbn:de:hbz:466:1-67677](https://nbn-resolving.org/urn:nbn:de:hbz:466:1-67677)

labant, fingentes, se hac ratione ex morbi sui vehementia nonnihil recreari. Ad histrionicos hosce ludos quotidie ac singulis horis confluxerant pene innumeri, & tota ferme Parisina Civitas prodigiorum, quæ jactabantur testem agere videbatur: Ipsa etiam Ecclesia S. Medardi in publicum gesticulatorum theatrum transformabatur, in quo Religioni indignissime illusum, & verius illius miracula in derisionem & contemptum versa fuere. Porro Clemens Papa vitam Diaconi Parisii cunctosque libellos, quibus ejus sanctitas & miracula asserabantur, die 22. Aug. per S. Inquisitionis decretum proscripsit, præcepitque sub anathematis poena, ut extractum e tumulo ejus cadaver in occulto loco sepeliretur.

§. XVIII.

Varium judicium de prætensis hisce prodigiis.

Singulari animi lætitia in jactitatis Parisii miraculis exultabant quidem Jansenistæ, ostentantes, causæ suæ æquitatem ipsius Cæli suffragio comprobari: non tamen omnes Appellantes & Jansenistæ hisce gesticulatoribus, qui *Convulsionistæ* vocabantur, applaudebant; quinimo ex Jansenistis præcipui

Sæc. XVIII.
A. C. 1731.

Sæc. XVIII.
A. C. 1731.

pui numero sexaginta edito scripto
lam declarabant, quod cum fanaticis
hisce hominibus nil commune haberent,
nec eos ad ludicos hosce jocos intarint:
Alii vero insolitas illorum contorsiones,
& motus velut Divini Spiritus afflatum
respiciebant; & jam dudum ante Parisii
obitum enthusiastæ ejusmodi Jansenistas,
qui se *Illuminati* dicebant, Inventore Abbate
Becchetto, existisse gloriabantur. Inde accidit,
ut Convulsionarii in censum Jansenistarum
& Appellantium promiscue venirent,
quamvis in duas potissimum classes
Convulsionistæ partirentur: eorum nonnulli
Mitigistæ, alii *Moderatistæ*, Ultrajecti ad
Rhenum orti, & in varios adhuc errores
alios prolapsi dicebantur. Inter ipsos etiam
Appellatorum schisma exortum est; ex his enim
mero triginta miraculorum veritatem
quidem in edita Consultatione pronuntiabant,
ipsas vero convulsiones vel diabolici ope,
vel phantastica vi fieri asseriebant. Unde
Consultantes vocabantur: Hæc ipsa tamen
diversitas rei que novitas ansam præbuit, ut
hisce Sectariis eorumque libris vana
judicia, & crebra scripta in lucem
protruderentur. Mirabantur non pauci
homines ratione præditos ad tantam
prolabi posse insaniam, ut agnoscerent
errore

errores imposturis, ac inferni suppetiis, Sæc. XVIII.
 illicitis ac sacrilegis mediis incredibili A. C. 1731.
 pertinacia defenderent: aut diuturna
 experientia compertum haberi ajebant,
 quod homines seditioso & fanatico spiritu
 semel agitati ad quævis audenda, at-
 que ad abominanda scelera projecti
 sint, & quo longius a veritatis lumine
 per propriam culpam aberrant, eo
 profundius in densissimas seductionis,
 superstitionis & fascinationis tenebras
 demergantur. Alii prætensa hæc mi-
 racula adscribebant vel corruptæ Phan-
 tasæ, aut occultæ vi naturæ, vel pie
 fascinatæ imaginationi, vel Jansenista-
 rum fraudibus, ac denique maligno
 Spiritui; sæpe enim contingit, teste
 S. Augustino tract. 7. in cap. 1. Joan.
 n. 6. ut mali Spiritus seducant per liga-
 turas, per præcantationes, per machi-
 namenta inimici, & misceant præcan-
 tationibus suis nomen Christi. Ex ipsis
 quoque Protestantibus nonnulli horum
 prodigiorum falsitatem detegebant,
 atque inter alios Ultrajectensis nomine
 Des Voeux edidit dissertationem in mi-
 racula reliquiis Parisii attributa, quæ
 nullum veri characterem habere osten-
 dit, subjunxitque undecim epistolas
 de miraculis, ubi veri miraculi notas
 in genere, & in specie designat, ea vero,
 quæ a Jansenistis Parisio attribuuntur,
 Hist. Eccles. Tom. LXXIII. K k me-

Sæc. XVIII. merito esse rejicienda demonstrat: Scripsit etiam Joan. Laurentius Mosheimius inquisitionem in veritatem miraculorum Francisci de Paris sæculi nostri Thomæ maturgi, cujus hæc verba probe notanda occurrunt. *His fraudibus (fictis miraculorum prodigiis, visionibus & miraculis Jansenistarum) ita illorum acuitur improbitas, qui libidinum suarum amore omne, quod sacrum & Divinum dicitur, spernunt, incertissima Jesu Christi ejusque Legatorum miracula nihilo firmiora & veriora illis commentitiis esse, publice dicunt, in quibus olim fortasse contigisse, quod ipsi hodie rident, levissime suspicentur.*

Præterea Campbellus editis dissertationibus de miraculis, & Vernesius in tractatu de veritate Christianæ Religionis, & Auctor tractatus dogmatici de falsis ævi nostri miraculis confutatis hæc prodigia, convulsiones, ceteraque ejusmodi nugæ solide impugnaverunt, eo ex capite, quod in omnibus hisce ludricis sanationibus circumstantiæ obversarentur, quæ Dei providentiæ indignæ, rationi repugnantes & honesto sine destitutæ, ac unice orbis natæ essent, ut Janseniani errores stabilirentur, & fideles a submissione Ecclesiæ decisionibus debita abstraherentur: ejusmodi autem miracula utpote vel diabolica vel conficta ac falsa sine

ulteriori examine rejicienda forent. Sæc. XVIII.
A. C. 1731.
Pariter Lilienthalius aliique fanaticam hanc stultitiam solide impugnabant.

Non deerant tamen Parisinæ fatuitatis Vindices, quos inter præcipuus erat Maupasius, qui contra Dominum de Voeux tractatum scripsit *de miraculis*: prodiit etiam anno sequenti libellus, cui titulus: *Collectio miraculorum, quæ ad tumulum Abbatis de Paris perpetrata fuere*: Præter hos plures alii in defendendis ludicris hisce jocis calamos suos exercuerunt, non alio successu, nisi ut ipsimet saniores Jansenistæ pertimescerent, Parisii sepulcrum brevi fore Jansenianæ factionis tumulum.

§. XX.

Fatum Montgeronis celebris Fanatici.

Abuterer Lectoris patientia, si cuncta jocularia commenta, prætenas fanationes, & convulsiones, quas per viginti ferme annos ad invocationem sui Parisii factas fanatici deprædicabant, recensere aggrederer. Adjunxisse sufficiat, quod dementia, superstitio atque abusus eo præcesserit, ut cæmeterii portam muro obstruere, & interposita Regis auctoritate confluentes repellere, pertinaces exilio ac carceribus multare & privata eorum con-